

QUEMADMODUM in triviis statuæ Mercuriales unâ cum indice & inscriptione poni solent ad deducendum anticipites viatores in viam rectam, sic quoque à Philosophis sententiæ quædam acutæ hinc inde in eorum libris & voluminibus allegoricis & dubiis sparsim statuantur, ut investigator veritatis iis admoneri possit, & in semitam veram quasi manu duci: Ex hisce hæc emblematica inscriptio una est: Cujus hæc mens habetur, quod ex ære Philosophico faciendum sit plumbum, ex plumbō stannum, quod à Gebro vocatur plumbum album, qui docet quoque, qua ratione Saturnus per locationem cum Mercurio migrant in Jovem; Quapropter huic indici, quavis Battologo, fides adhibenda est, si quando boves Philosophicas prodat, quo loco versentur, dum montibus, inquit, erant, & erat sub montibus illis: Multi enim, ut Arnoldus in novo lumen. c. i. testatur, in montibus errantes hæc animalia non cognoscunt: Venduntur autem palam minimo precio: In summis montibus etiam aestate nonnunquam, nives obseruantur, ac nubes saepissimè, quibus tanquam vapore & aqua plumbum nigrum abluitur & in candorem vertitur: In imis vero vallibus & fodinis illorum cristalli ex glacie congelati & indurati inveniuntur unâ cum lapide speculari & talco ad albedinem & venustatem faciei commendato, si oleum indefiat: In primis vero Mercurius clarus & currens, qui benè preparatus Saturni nævos emendat, eumque in solium Jovis evehit: Non autem Saturnus & Jupiter de vulgaribus intelligi debent, quia vulgaria metalla non intrant in opus physicum, sed de longa præparatione purgatis & physicis factis: Saturnus omnium gentilium aut potius aureolorum pater est, & prima porta arcanorum: Cum hoc, inquit Rhasis in epist. aperiuntur portæ scientiarum: Huic succedit filius Jupiter, qui patrem de regno deturbavit & eviravit, ne scilicet plures generaret filios; Ex membro vero virili in mare projecto nata est Venus fœminarum pulcherrima: Ex Jove, qui est plumbum candidum preparatum, nati sunt planetæ reliqui, ut Mars ex Junone. Mercurius ex Maja, Atlantis montis Mauritaniæ filia, Luna & Sole ex Latona: qui quatuor solâ coctione seu opere mulierum, in lucem pro-